



XUNTA DE GALICIA
CONSELLERÍA DO MEDIO RURAL



GOBIERNO
DE ESPAÑA

MINISTERIO
DE AGRICULTURA, PESCA
Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural

PDR 2014_2020 DE GALICIA

PROGRAMA DE DESENVOLVEMENTO RURAL

Medida 16 Cooperación

Submedida 16.1

**Apoio para a creación e o funcionamento
de grupos operativos da EIP en materia de
produtividade e sustentabilidade agrícolas**

Operación 16.1.1

**Axudas á creación de grupos operativos
da AEI**

Índice

1. Medida 16. Cooperación	2
1.1. Submedida 16.1 Apoio para a creación e o funcionamento de grupos operativos da EIP en materia de produtividade e sustentabilidade agrícolas - Operación 16.1.1: Axudas á creación de grupos operativos da AEI	3
1.1.1. Que tipo de actuacións se financian?	4
1.1.2. Quen pode solicitar esta axuda?	4
1.1.3. Como se outorga a axuda?	5
1.1.4. Que tipo de gastos se financian?	5
1.1.5. Que requisitos se han cumprir para recibir a axuda?	6
1.1.6. Que criterios serán utilizados para a selección?	6
1.1.7. A canto ascende esta axuda?	7
1.1.8. Quen xestiona esta axuda?	7
1.1.9. Marco normativo	7
1.1.10. Documentos e ligazóns relacionados	8



1. Medida 16. Cooperación

Para este período 2014-2020 a Unión Europea aposta pola innovación nos proxectos, produtos, prácticas, procesos e tecnoloxías que afectan ao sector agrario, forestal e agroalimentario. É por iso, que no Programa de Desenvolvemento Rural se trata a cooperación como un elemento transversal e se orienta principalmente á innovación. A medida de cooperación componse dun conxunto de 7 axudas que fomentan o traballo en conxunto co fin de incluír melloras nos sectores agrario, forestal e agroalimentario galegos.

Dado que a cooperación se entende como unha medida transversal ao conxunto de actuacións recollidas no Programa de Desenvolvemento Rural de Galicia 2014-2020, fórmulanse dúas liñas de traballo, por unha banda, as axudas referidas ao desenvolvemento de proxectos piloto e novos produtos, prácticas, procesos e tecnoloxías nos sectores agrícola, forestal e cadea alimentaria. E polo outro, as axudas destinadas a fomentar a cooperación como eixo condutor do cumprimento das prioridades de desenvolvemento rural.

Para iso, articúlanse as seguintes submedidas:

- ✓ Submedida 16.1 Apoio para a creación e o funcionamento de grupos operativos da EIP en materia de produtividade e sustentabilidade agrícolas
 - Operación 16.1.1: Axudas á creación de grupos operativos da AEI
 - Operación 16.1.2: Axuda para a execución de proxectos dos grupos operativos da AEI
- ✓ Submedida 16.2 Axudas para proxectos piloto e desenvolvemento de novos produtos, prácticas, procesos e tecnoloxías
- ✓ Submedida 16.3 Cooperación entre pequenos operadores para organizar procesos de traballo conxunto e compartir instalacións e recursos, así como para o desenvolvemento / a comercialización do turismo
- ✓ Submedida 16.4 Apoio para a cooperación horizontal e vertical entre os axentes da cadea de subministración para a creación e o desenvolvemento de cadeas de distribución curtas e mercados locais e para actividades de promoción nun contexto local relacionado co desenvolvemento de cadeas de distribución curtas e mercados locais
- ✓ Submedida 16.5 Apoio para accións conxuntas realizadas con vistas á mitigación ou a adaptación ao cambio climático e para enfoques conxuntos con respecto a proxectos medioambientais e prácticas medioambientais en curso
- ✓ Submedida 16.8 Apoio para a elaboración de plans de xestión forestal ou instrumentos equivalentes



1.1. Submedida 16.1 Apoio para a creación e o funcionamento de grupos operativos da EIP en materia de produtividade e sustentabilidade agrícolas - Operación 16.1.1: Axudas á creación de grupos operativos da AEI

A Asociación Europea da Innovación (AEI) é o marco onde atopan acomodo as iniciativas de innovación en materia de sustentabilidade e produtividade agraria. A estrutura instrumental da AEI artículase ao redor da rede europea que debe facer posible a conexión de grupos operativos, servizos de asesoramento e investigadores. Esta rede primaria, de ámbito comunitario, integrará as de carácter secundario, nacionais e rexionais, que cada territorio poida desenvolver con adecuación ás súas características particulares.

O segundo elemento estrutural do sistema confórmano os grupos operativos (GO), formados por, polo menos, dous actores interesados como agricultores, investigadores, asesores, entidades sen ánimo de lucro e empresas do sector agroalimentario ou que desenvolvan actividades no ámbito forestal, para a consecución dos obxectivos expostos mediante a posta en marcha dun proxecto innovador. Os grupos operativos constituiranse como principal vehículo para cumprir cos obxectivos da AEI, orientados á identificación de problemas concretos ou oportunidades nos sectores agroalimentario e forestal, a partir das cales se xeren iniciativas innovadoras que dean resposta e solucións a esas dificultades ou oportunidades detectadas, sempre no ámbito dos obxectivos da AEI e de maneira coherente coa estratexia RIS3 de Galicia.

Os axentes de innovación están chamados a xogar un papel esencial na animación e coordinación de grupos e proxectos, servindo de catalizadores do investimento privado en proxectos de I+D+i. Neste sentido, os grupos operativos poderán contar cun axente de innovación, que será a persoa ou organización que busque e poña en contacto aos actores idóneos para levar a cabo un proxecto innovador, sen ter, necesariamente, que estar involucrado tecnicamente. As súas tarefas tamén poderán incluír, entre outras, a asistencia para perfilar e concretar a idea do proxecto, a procura de fontes de financiamento e así como a preparación da solicitude de financiamento.

O axente de innovación poderá ser unha entidade integrada dentro do grupo operativo ou ben unha persoa ou entidade contratada polo grupo operativo.

A submedida 16.1 orienta a consolidación en Galicia dos elementos estruturais da AEI en materia de sustentabilidade e produtividade agraria, establecendo o esquema instrumental básico de financiamento, apoio e funcionamento das iniciativas de innovación ao amparo do programa de desenvolvemento rural para o período 2014-2020. Esta submedida inclúe dous tipos de operacións:

- ✓ Operación 16.1.1: Axudas á creación de grupos operativos da AEI
- ✓ Operación 16.1.2: Axuda para a execución de proxectos dos grupos operativos da AEI

1.1.1. Que tipo de actuacións se financian?

Esta operación está destinada á definición, elaboración e procura de socios para os proxectos innovadores, é dicir, a creación do grupo onde serán elixibles os custos necesarios para articular o proxecto, previamente á súa aprobación como tal.

As axudas desta operación estarán dirixidas a financiar a fase previa (preparación do grupo, procura de socios, reunións de coordinación e animación, redacción de borradores,...) dos proxectos innovadores, co obxectivo de apoiar a elaboración de proxectos consistentes e ben estruturados. Exponse un importe máximo por solicitude para esta primeira fase que permita optimizar os recursos dispoñibles.

1.1.2. Quen pode solicitar esta axuda?

Poderán ser beneficiarios as persoas físicas ou xurídicas que presenten unha solicitude de axuda para a definición, elaboración e procura de socios para a creación dun grupo operativo no marco da AEI. Un dos membros do grupo operativo actuará como representante e asumirá a xestión económica do proxecto e a plena responsabilidade fronte á Administración a efectos de pagos, reembolsos e recuperacións. A relación entre os socios quedará reflectida nun documento que se poñerá a disposición da Administración. Os grupos operativos estarán formados por polo menos unha entidade relacionada coa produción, incluídas as entidades interprofesionais do sector.

Priorizarase a participación dun centro de investigación ou tecnolóxico de natureza pública ou privada. Poderán incorporar tamén a entidades sen ánimo de lucro que promovan a investigación, a innovación ou o desenvolvemento do medio rural, así como as que desenvolvan actividades de promoción, asesoramento, dinamización ou financiamento de proxectos nos ámbitos agrario, alimentario e forestal. Así mesmo, poderán formar parte dos grupos operativos as entidades asesoras con intereses recoñecidos no ámbito rural.

Contarán con procedementos internos que garantan a transparencia no seu funcionamento e toma de decisións e eviten conflitos de intereses, e designarán a un representante que poderá actuar como axente de innovación. Os grupos operativos terán carácter autonómico, entendendo por iso que o proxecto presentado desenvolverase na Comunidade Autónoma de Galicia e estará destinado a resolver un problema existente no sector agrario, forestal e agroalimentario galego.

1.1.3. Como se outorga a axuda?

Axuda directa destinada á definición, elaboración e procura de socios para a posta en marcha dos grupos operativos da AEI xestionadas a través de convocatoria pública de bases reguladoras en concorrència competitiva.

1.1.4. Que tipo de gastos se financian?

Serán subvencionables en virtude desta submedida os custos vinculados ao establecemento dos grupos operativos. Entre os custos asociados ao establecemento dos grupos operativos poderanse financiar as actividades de preparación, planificación, animación e de coordinación precisa para garantir o impulso aos procesos de cooperación innovadora, incluíndo a organización de cursos e xornadas de difusión así como a captación de novos membros ao grupo.

Os grupos operativos poderán contar, para a preparación do proxecto, cun axente de innovación, que será a persoa ou organización que busque e poña en contacto aos actores idóneos para levar a cabo o proxecto, sen ter que estar involucrado tecnicamente. As súas tarefas tamén poderán incluír, entre outras, a asistencia para perfilar e concretar a idea do proxecto, a procura de fontes de financiamento e a preparación da solicitude.

O axente de innovación poderá ser unha entidade integrada dentro do grupo operativo ou ben unha persoa ou entidade contratada polo grupo operativo.

En concreto, serán elixibles os seguintes gastos:

- ✓ Gastos de posta en marcha das actividades do grupo operativo: gastos de viaxe, reunións,...
- ✓ Acciones formativas que posibiliten a capacitación dos membros do grupo operativo, vinculadas aos obxectivos propostos polo grupo
- ✓ Elaboración dun plan empresarial ou instrumento equivalente
- ✓ Estudos preparativos vinculados á temática do proxecto do grupo operativo
- ✓ Custos derivados da actividade do axente de innovación, entre cuxas tarefas se pode incluír:
 - Definir e concretar a idea de proxecto inicialmente exposta polo grupo operativo
 - Buscar socios idóneos para a constitución do grupo operativo
 - Obter información e antecedentes sobre o problema ou oportunidade a abordar
 - Buscar fontes de financiamento
 - Preparar a solicitude e documentación necesaria para a concorrència do grupo operativo nas convocatorias de axudas



- Preparar a proposta de proxecto
- Deseñar e redactar o proxecto de innovación no que se especifiquen as actividades e custos que dependen de cada axente
- Avaliacións ou análises necesarios para poder valorar ou definir os resultados esperados co proxecto.

A subvencionalidade dos gastos axustarase ao establecido no artigo 60.2 do Regulamento (UE) Nº 1305/2013.

1.1.5. Que requisitos se han cumprir para recibir a axuda?

Serán elixibles os grupos operativos para a fase de establecemento do grupo así como o axente de innovación, no seu caso, que presenten solicitude de axuda acompañada como mínimo da seguinte documentación:

- ✓ Descrición do proxecto, diagnose da situación, necesidade detectada, obxectivos, resultados esperados, impacto e relevancia do mesmo e a súa contribución ao obxectivo da AEI
- ✓ Relación de potenciais participantes e a xustificación da conveniencia de cada participación para a consecución dos obxectivos do proxecto.
- ✓ Plan de actuación e cronograma da constitución do grupo operativo. a repartición de tarefas entre os compoñentes do grupo e orzamento estimado de gastos.
- ✓ Plan de divulgación dos resultados

O grupo operativo que non presente na xustificación da axuda un acordo de colaboración conxunto firmado polas entidades que integren o grupo co compromiso final de deseño dun proxecto de innovación perderá o dereito a dita axuda.

Os grupos que reciben unha axuda para a súa constitución e deseño dun proxecto de innovación deberán presentar a convocatoria pública devandito proxecto nos dous anos seguintes. De non ser así se lles poderá aplicar unha penalización ás entidades integrantes do devandito grupo operativo en convocatorias posteriores.

Só serán elixibles aqueles grupos operativos de carácter autonómico que presenten un proxecto a desenvolver na Comunidade Autónoma de Galicia destinado a resolver un problema existente no sector agrario, forestal ou agroalimentario galego.

1.1.6. Que criterios serán utilizados para a selección?

Para garantir a idoneidade dos grupos operativos seleccionados estableceranse criterios de selección fundamentados nos seguintes aspectos:

- ✓ Prioridades temáticas (incluídas no apartado de Información específica)





- ✓ Alcance previsto dos resultados
- ✓ Idoneidade da composición do grupo en relación á execución do proxecto e consecución de obxectivos
- ✓ Capacidade para a divulgación dos resultados
- ✓ Grao de coherencia, equilibrio e moderación dos gastos propostos
- ✓ Participación de centros de investigación ou tecnolóxicos públicos ou privados

1.1.7. A canto ascende esta axuda?

Esta operación cubrirá o 100 % dos gastos subvencionables cun límite máximo de 6.000 €.

1.1.8. Quen xestiona esta axuda?

Esta axuda está xestionada pola Axencia Galega da Calidade Alimentaria da Consellería do Medio Rural.

1.1.9. Marco normativo

- ✓ Regulamento (UE) N° 1291/2013 do Parlamento Europeo e do Consello, do 11 de decembro de 2013 polo que se establece Horizonte 2020, Programa Marco de Investigación e Innovación
- ✓ Regulamento (UE) N° 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns ao FEDER, FSE, Fondo de Cohesión, Feader e FEMP
- ✓ Regulamento (UE) N° 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)
- ✓ Regulamento Delegado (UE) N° 807/2014 da Comisión, do 11 de marzo de 2014, que completa o Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), e introduce disposicións transitorias
- ✓ Lei 9/2007, do 13 de xuño, de subvencións de Galicia
- ✓ Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia
- ✓ Lei 14/2013, do 26 de decembro, de racionalización do sector público autonómico
- ✓ Lei 9/2017, de 8 de novembro, de Contratos do Sector Público, pola que trasponse ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, de 26 de febreiro de 2014





1.1.10. Documentos e ligazóns relacionados

- ✓ Estratexia de Especialización Intelixente de Galicia (RIS3 Galicia)
http://www.ris3galicia.es/wp-content/uploads/2014/03/ris3_folleto.pdf
- ✓ Axencia Galega de Innovación (Gain)
<http://gain.xunta.gal/>
- ✓ Asociación Europea para a Innovación "Productividade y sostenibilidade agrícolas" (EIP-AGRI)
https://ec.europa.eu/agriculture/research-innovation/eip-agriculture_es
- ✓ Portal de Innovación IDi-A (Ministerio de Agricultura, Pesca e Alimentación)
<http://www.idi-a.es>
- ✓ Programa Nacional de Innovación e Investigación Agroalimentaria e Forestal. Documento estratéxico. Xaneiro 2015 (Ministerio de Agricultura, Pesca e Alimentación)
http://www.idi-a.es/sites/default/files/magrama_programa_nacional_de_innovacion_e_investigacion_agroalimentaria_y_forestal_0.pdf
- ✓ Para obter máis información, consulte a sección 8.2.13.3.1 do Programa de Desenvolvemento Rural de Galicia 2014-2020

